

皇朝藩屬輿地叢書

皇朝詩林典故

平定羅刹

方略

光緒癸卯夏上
海文瑞樓石印

平定羅刹方略

康熙二十一年八月庚寅

遣副都統郎坦等偵探羅刹情形 羅

刹者鄂羅斯國人也鄂羅斯僻處西北絕域自古不通中國其人皆獷悍貪鄙冥頑無知所屬有居界上者與黑龍江諸處密邇我達呼爾索倫之人因呼之爲羅刹每橫肆殺掠納我逋逃爲邊境患順治九年駐防盜古塔章京海色率所部擊之戰于烏拉村稍失利十二年尙書都統明安達禮自京師往討進抵呼瑪爾諸處攻其城頗有斬獲旋以餉匱班師十四年鎮守盜古塔昂邦章京沙爾呼達敗之尙堅烏黑十五年復敗之松花庫爾澣兩江之間十六年沙爾呼達卒其子巴海代尋授將軍十七年巴海大敗之古法壇村然皆中道而返未獲翦除以故羅刹仍出沒不時迨康熙十五年鄂羅斯察漢汗遣使尼果來等貢方

物

上欲因此示柔遠之德優賚來使仍頒

溫諭令其歸我逋逃嚴禁

羅刹毋擾邊境許貿易通好其後竟未奏覆而羅刹自恃遼遠反侵入精奇哩烏拉諸處築室盤踞

上復命大理寺卿明愛等諭令撤還猶遷延不去而恃雅爾薩城爲巢穴于其四近耕種漁獵數擾索倫赫真斐雅喀奇勒爾爾居民掠奪人口俾不得寧處

上乃深爲籌度謂若輩非創以兵威則罔知懲畏將至蔓延遂決意征剿先遣副都統卽坦公朋春等率官兵往達呼爾索倫聲言捕鹿因以覘視羅刹情形卽坦等將行

上面諭之曰鄂羅斯國所屬羅刹犯我黑龍江一帶侵擾虞人戕害民

民前發兵進討未獲翦除歷年已久進聞蔓延益甚過鉏滿恆滾諸處至赫真斐雅喀虞人住所殺掠不已爾等此行除自京遣往參領侍衛護軍外令畢力克圖等五台吉率科爾沁兵百人寧古塔兵八十人至達呼爾索倫一面遣人赴泥布楚諭以捕鹿之故一面詳視陸路近遠詔黑龍江行圍徑薄雅克薩城下勘其居址形勢度羅剎斷不敢出戰若以食物來餽其受而量荅之萬一出戰止勿交鋒但率眾引還朕別有區畫爾等還時須詳視自黑龍江至額蘇哩丹行水路及已至額蘇哩其路直通寧古塔者更擇隨行之參領侍衛同薩布素往覘之

諭畢

賜郎坦朋春御衣弓矢隨行者亦量加賞賚十二月戊子

命戶部尙書伊桑阿赴寧古塔督修戰艦

時鎮守寧古塔等處將

軍巴海等以甯古塔戰艦稍有損敗請發物料用資修整工部議如所

請

上諭修整戰艦所關甚重其令戶部尙書伊桑阿往董其事

庚子

命將軍巴海等帥師往駐愛琿呼瑪爾 郎坦等以羅刹情

形具奏

上諭議政王等曰據郎坦等奏攻取羅刹甚易發兵三千足矣朕意亦以爲然第兵非善事宜暫停攻取調烏拉寧古塔兵一千五百置造船艦發紅衣炮鳥槍及教之演習者于愛琿呼瑪爾二處建立木城與之對壘相機舉行所需軍糧取諸科爾沁十旗錫伯烏拉之官屯約得一萬二千石可支三年且我兵一至卽行耕種不致匱乏愛琿城距索倫村落不遠五宿可到其間設一驛俟我兵將至精奇哩烏拉令索倫皆接濟牛羊甚有裨益如此則羅刹不得納我逋逃而彼之逋逃者絳繹

繹來歸自不能久存矣爾等其詳議以聞議政王等奏言羅刹據我邊界納我逋逃擾亂已久宜卽行殄滅

皇上好生之心聽其自斃

諭言允當應一一遵行又如郎坦等所

請造船五十六艘所調兵預爲派定俟船成糧足卽令起行目前烏拉官屯乏糧戶部理藩院各遣官一員往錫伯瓜爾察地方採買統兵大臣恭候 欽簡疏入

上命鎮守寧古塔等處將軍巴海副都統薩布素統兵前往餘悉如議康熙二十二年三月庚戌 命造船運糧松花江

上諭大學士覺羅勒德洪等曰饋運烏拉軍糈自遼河溯流運至等色屯隨用蒙古之力陸路運至伊屯門自伊屯門船載順流運至松花江甚善內府佐領下屯莊糧米充足需用幾何卽以屯丁之力運至遼河

津要船載趣運并脩畚具椿木若逢淤淺束水以行糧米或于等色屯
伊屯門伊屯口或于義河口築倉收貯船在邊內我兵衛送邊外蒙古
兵衛送宜少載糧米多備挽夫俾船行輕利兩河中阻陸路酌派車載
其船準河式置造辦糧需用若干爾等于戶工二部理藩院及郎垣觀
圖詳議至造伊屯門以北運船運至松花江及築倉收貯事宜應否交
與留鎮烏拉副都統其并定議以聞勒德洪等議于巨流河渡口造船
六十艘以長三丈寬一丈爲度每船載米百石用水手六名水手卽派
民夫操演自起運日每人月給銀一兩運到米于巨流河渡口等色屯
築倉收貯悉交與盛京將軍大臣等監理船在邊內酌派盛京官兵衛
送自等色屯至伊屯門派蒙古車輛陸續運往所派蒙古官兵車輛理
藩院另行請

旨伊屯門諸地築倉貯米及造伊屯河運船運至松

花江悉交與留鎮烏拉副都統議覆

上以所議尙未周詳遂分遣內府營造司郎中佛保及戶部侍郎宜昌阿等以瀛台通州船載米試之復令盛京刑部侍郎噶爾圖等自巨流河至等色屯驗試遼河深淺甯古塔副都統瓦里虎等自伊屯口至伊屯門伊爾門河口驗視水勢尋噶爾圖奏遼河可行三丈之船請以此式于巨流河渡口造船六十艘瓦里虎奏伊屯河可行三丈五尺之船吉林地方伐木造船百艘由伊屯河運米松花江于伊屯門伊屯口築倉收貯

上允之又

諭前薩布素奏明年六月前兵食伊等資行之餘悉存

留爾時曾諭以六月後所需運黑龍江松花江交匯處令其遞取今應于烏拉造大船五十艘或以薩布素等所留蒙古錫伯米或以盛京所

發米計口運往烏拉盜古塔兵皆貧乏現在出兵者半任輸輓復用餘兵恐至困苦烏拉席特庫所屬八家獵戶停獵一年令其輸輓庶兵力稍紓黑龍松花兩江交匯處自吉林順流而往薩布素等自彼駐兵之所順流而來水路遠近相等俟明春冰解卽運兩江接界令薩布素等量發官兵船艘前來迎取

戊辰 命給烏拉官兵行糧之車 將軍巴海等請給出征烏拉官兵及執事人行糧戶部議官兵各交額糧一月至每月行糧毋庸給發疏入

上命給行糧之半

四月丙子

遣理藩院尙書阿穆瑚瑯等往烏朱穆秦諸處

上諭議政王等奏今我兵移駐黑龍江當乘此發烏朱穆秦兵聲言捕

鹿以疑羅剎復遣大臣一員至索倫預備軍需亦聲言捕鹿人將至其令理藩院尙書阿穆瑚瑯往烏朱穆秦阿達阿阿番馬喇往索倫

己卯

命將軍巴海留鎮烏拉副都統薩布素等領兵駐額蘇哩

先是令烏拉寧古塔兵往駐愛琿呼瑪爾尙未啟行尋尙書伊桑阿以造船赴寧古塔

上命傳諭巴海等兵抵黑龍江應駐何地其詳議以聞至是巴海等奉言愛琿呼瑪爾距雅克薩城遼遠若駐兵及此則勢分道阻難于防禦且過雅克薩有尼布楚等城羅剎倚水路運糧增兵救援更難爲計宜乘其積儲未備速行征剿况羅剎殺我斐雅喀居民留嫚書而去俟遣船畢度七月初旬能抵雅克薩卽親統大兵直薄城下宣諭招撫否則駐劄墨克項諸地卽遣官兵與奉

命赴羅剎甲士宜番馳至雅克

薩宣諭兼觀其形勢若何再議進止機宜令且番一併奏聞烏拉官兵乘往馬匹恐長途疲羸不任馳驅索倫邊墨克項宜令選肥馬五百匹送呼瑪爾河口酌量給用議政王等議如巴海等所請

上諭所議進征羅剎軍務殊爲疎略烏拉寧古塔兵未經征戰不諳行陣紀律將軍巴海及副都統官兵又彼此不合巴海其留守烏拉薩布素瓦禮祐俱以副都統領兵前往不必授爲將軍至所議七月兵到卽行攻戰亦屬未可俟抵彼相度形勢奏請可進之時京城每旗精簡五十人參以軍前獲罪人員委授夸蘭大參領別遣將由陸路直趨五旬可達我兵至冬時攻戰乃能有濟若今冬不便克取來夏令烏拉寧古塔兵仍往彼地或令撤還至期約行又卽坦言取馬蒙古不能卽得可選兵部上駟院肥馬二千匹于本年七月內預發索倫地方牧放俟禁

旅到後留其羸馬更以所備肥馬乘往其傳集郎坦朋春再議于是議政王等奏

上諭深中事宜固應祇遵但前奉暫停攻取相機舉行之 旨尤爲

切當烏拉寧古塔兵不須往墨克項勘得愛琿呼瑪爾之間額蘇哩地方可以藏船且有田隴舊跡卽令大兵建立木城于此駐劄宜番回自羅刹再議派京師兵或撤烏拉寧古塔兵至巴海留守烏拉薩布素瓦禮祐統兵以行及預備馬匹于索倫悉應遵 旨額蘇哩索倫村莊

之間應設四驛令赴索倫理藩院大臣董其事

上報可

六月甲戌 命馬喇等市馬及各項物以備軍需 馬喇等奏以茶

布市易

上諭茶布不必攜往可于戶部支銀四千兩量買諸物馳驛抵彼換取牛羊米糧以備軍需勿得脅制民各任其便

七月甲申

命軫恤獲羅剎

上諭兵部奏事章京南岱攜至羅剎二人所司加意培養時其飲食毋得缺乏以示軫恤之意

戊戌

命理藩院作書宣諭羅剎

先是馬喇等奏索倫總管博克

等所獲羅剎及軍前招降者共選五人遵

旨送京餘二十六人皆

迫于大兵始行投誠索倫距羅剎近不宜久留應一律解至議政王等

詔送交戶部安插博克等所獲宜番米海羅莫海對二人賞以衣

帽迎至薩布素處放還請

敕理藩院作書卽令宜番等持去其書

略云前遣孟格德等至尼布楚曾與爾約各毋收納逋逃并以先年逸

去根特木爾歸我乃背前約入我地抗害達呼爾索倫焚劫艾雅喀奇
勒爾今故命將出師永駐額蘇哩爾若離我邊境還爾本土以逋逃來
歸則已否則我亦納爾逋逃卽往來之人亦必擒戮疏入
上從之

九月丁丑 命烏拉等處官兵永戍愛琿 先是副都統薩布素等
奏冬時進征砲具軍糈輸運維艱倘遇大雪亦未使用兵今冬可暫駐
額蘇哩俟來年四月冰解卽往攻雅克薩城事下議政王等貝勒大臣
集議議政王等奏言前奉暫停攻取相機舉行之 旨允宜薩布素
請于來年四月進征毋庸更議

上諭我兵旣命永戍額蘇哩應派烏拉寧古塔兵五六百人達呼爾兵
四五百人于來秋同家口發往設將軍副都統協領佐領等官鎮守深